

重修湖心亭記

韓敬

西湖如鏡湖心亭則鏡臺鏡若鑿不可一日不磨鏡臺而毀豈能終年不葺哉余初作疏倡修兩亭以爲修放鶴亭宜屬之逋叟逸翁修湖心宜屬之游人士女蓋求其各稱也崔徽仲使君曰不然我輩寓跡半在萍香鷗影間湖則吾湖而謂亭非吾亭耶今夫冠劍成羣庖厨聚臭蟻集於午萍散於晡每虛崆峒半夜之月亦冷翠竇朝生之雲織往芸來辱亭爲郵而亭不受也乃若樵風轉棹漁火迴榔霓色羽顏過而不盼寂寥飄忽視亭聞如畫棟朱簾不覺落飛仙散吏之手當夫花闌錦炫筑沸簫鳴吾則收綸蘆中蘇蘭橋裏凝眸遙睇直以蜃閣烟樓視之及

道藏輯要

天下名山記  
浙江湖心韓

卷

卷之三

乎遠寺浮鐘長瀾吐魄櫓影微拖水鳥驚翻憑欄洗盞寸寸浮碧恍惚遇司馬才仲携麗人而他適西嶺尙睡東方已白追于濃雲塞苦霧昏木脫葉水露齧張琴則縮手難寫撥柁而宿火未温乘人跡之斷絕起欸乃於一葉紫裘貂帽危坐而氣不酸名士高僧共榜而吟不歇髣髴借孤山老翁曳杖而出巡籬缺夫避亭之炎而就其冷療亭之俗而還以貞愜心自適風月主賓吟箴牧褐茗仙酒民訪鄴侯之故井披昭諫之遺文可薦香蘋可酌松春故曰湖爲吾湖而亭亦吾亭也且子不見叟曩月之出處乎履虎之尾攫鱷之唇貂毒所攻焚山嬰珣強項一吏腰領幾分冰山忽倒燄海俄淪乃得重繇蘿薜再嬰冠紳大隱

名區逍遙水濱後蘇前白淨侶爲羣又安敢任蕪穢不飭廢行  
滕不紉也故曰葺亭亦吾輩事也是役也使君割廉餼不給至  
解腰圍銀艾佐之旌纛十旄諸君子之當途者以至纓紱弁簪  
諸勝流之尙義者咸玄感樂助於是仍舊材者十之六撤其腐  
十之四粉堊丹碧不日而具俗顏猥額芟除一空至於匡襄終  
始則有寓公汪然明高士藍田叔皆能佐佑乎亭而亭因以重  
者也亭成來問記夫使君前語已盡之矣第憶希文氏語曰先  
生之風山高水長使君勁節正氣照曜寰中顧肯嘉惠此一亭  
令山水間永披徵仲清風亦何減富春垂釣時耶客有舉曹溪  
偈相難者云菩提無樹明鏡非臺使君作此有漏因尙是人天  
道藏輯要

天下名山記  
浙江湖心韓

吳 軫集二

小果是又不然夫無樹則西竺蓮邦何處化生七寶莊嚴非臺  
何得諸天圍繞且明鏡不安臺遂作簡文帝詩懺則此鏡此臺  
正爲飛來小靈鷲寫照徵仲篇什含吐齊梁今日拂拭湖光一  
洗千年塗濁卽謂湖爲不動尊亭爲不壞身可也徵仲笑而頷  
之命勒之珉